

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 2233 del 26/07/2023

Traduzione in mòcheno

Ka Cavalese hòt se zòmmtroffen der Gamoà'nrot van Euregio

En vraità as de 21 van heibeger bail der zòmmtreëff van Gamoà'nrot van Euregio ka Cavalese, bail der To van Gamoà'n 2023, bou as sai' kemmen gamòcht mearer trèffen ont naiekaitn ver za untermstutzn de zòmmtòrbet zbischn de lander, ist kemmen u'ganommen a mosnemm keing der bostriko.

De mosnemm lont inn de junte va de autonome Provinz va Trea't, va de autonome provinz va Poazn ont van Land Tirol za nemmen u' vourtschbinnen ver naiaòrbetn auslònt as guat gea' ver za hòltn au s vermearern se van bostriko ont van verderm van holz en de balder.

“Der GECT ist an bichtegen orgl ver za trong envire projektn ont vourtschbinnen as guat gea' ver de lait.

Gem a hilf en de amministrazionien van drai lander ver za klòffen se pesser aus ont asou meing vinnen oa'nekaitn ist en de natur va de inser istituzion”, hòt se tsòk de Elisa Bertò, de iberòllsakretare van Euregio.

Der Gamoà'nrot ist an vrogorgl va de Junta van Gect Euregio, bou as toalnemmen vifzen lait, vinf ver an iats lònt, paut ver za verglaimern de lait en de euroregional istituzionen. Der kimmp galisnt benn as vroggn oder vourtschbinnen hòt as meing drinn kemmen galeik en òrbetprogramm van Euregio, no en de neat va de lòntschòft, asou as de euroregional òrbetn mear bèrt hom.

Bail en zòmmtreëff ka Cavalese ist kemmen simbolesch ibergem de Glock van Gamoà'nrot van Euregio zbischn der president van Trentinische Gamoà'ngasellschòft Paride Gianmoena ont der president van Südtirol Gamoà'ngasellschòft Andreas Schatzer. Der doi simbolesche zoach mèlt u' s bècksln van president van Euregio as bart sai' en leistagest zbischn der president Maurizio Fugatti ont der president Arno Kompatscher.

Letratdinst gamòcht van Druckomt

Traduzion di Servijes Linguistics e Culturèi del Comun general de Fascia

(cdt)